



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

VII. Vergleich des Klosters Reetz mit dem Kloster Marienwalde über den Wasserstand in dem Ausflusse des Sees Pritzen, vom Jahre 1306.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

VII. Vergleich des Klosters Neeg mit dem Kloster Marienwalde über den Wasserstand in dem Ausflusse des Sees Prizen, vom Jahre 1306.

In nomine Sancte et Individue Trinitatis Amen. Nos Heinricus, prepositus sue prouisor Sanctimonialium in Retz, et Margareta, Abbatisa, et Alleid, priorissa, et Tybb. Cellaria, totusque ibidem Conuentus, Nec non et Brunighus de Segeueldt et Albertus, frater suus, omnibus in perpetuum prefens scriptum visuris, salutem in omnium Salvatore. Quoniam ea, que geruntur in tempore, ne simul cum tempore labantur, Necesse est testimonio literarum roborari; Eapropter ad notitiam singulorum, quorum interest Seu quibus nosse fuerit oportum, cupimus deuenire presentibus protestando, Omnem actionem seu Impetitionem, quam habuimus seu habere poteramus Contra venerabilem patrem dominum Abbatem de Nemore sancte Marie et eiusdem loci Conuentum super Inundatione siue exaggeratione riuli, qui fluit ex stagno Prytzen in terminos, agros, prata nostre proprietatis et possessionis, que etiam Inundatio riuli singulariter est nostri molendini siti in hisdem terminis nostris iuxta villam nostram Selnou magnum obstaculum seu no-cumentum, decisam esse penitus et sopitam in hunc modum, predictus liquidem Dominus Abbas Nemoris Sancte Marie et suus conuentus promiserunt, se id fideliter acturos et in perpetuum seruau-turos, quantum ad ipsos pertinet, seu pertinere poterit, ne predictus riulus instangnetur alius aut exaggeret, Sed ipsius inundatio stabit inperpetuum sicut per infixionem pali cuiusdam ex communi consensu in festo beati Martini duximus statuendum. Preterea sepe dictus Abbas et suus conuentus dederunt nobis et ex integro soluerunt XXV marcas leuium Denariorum nomine pene et ad exi-mendum inperpetuum omnem exactionem et impetitionem, que contra predictum Abbatem et suum conuentum per nos et nostros successores, aut aliquem aut aliquos nomine nostro seu alterius cuius-cumque suboriri possit aut esse in futurum. Nos vero renunciamus expresse exceptioni pecunie non numerate, non tradite, non solute, non recepte, exceptioni doli mali, lesionis, omnibus exceptioni-bus realibus et personalibus loci, temporis, facti, Juris canonici et ciuilis et omnibus aliis exceptioni-bus, que possunt oriri contra hoc instrumentum vel factum. Nec contra compositionem vel con-ventionem per nos vel per alios veniemus Aut faciemus Jure aliquo in futurum. In huius rei te-stimonium prefens scriptum nostri Sigilli munimine et Abbatisse dicti loci et Bruningi de Sege-felde fecimus communiri. Testes huius rei sunt Dominus Gherhardus, plebanus in indagine, Dominus Jo., plebanus in Plawe, Sacerdotes, et dominus Hasso, miles, de Wedele, nunc dictus de Vrysen, et dominus Godekinus, miles, dictus de Herfleue, Reinekinus et Al-bertus, frater suus, vasalli, dicti de Segeueld. Datum Anno domini M^o. CCC^o. Sexto.

Aus dem Marienwalder Copialbuche. Fol. 111.